



Broj: 05-07-26-11052/13
Sarajevo 24.1.2014. godine

31-01-2014			
Urgentnost	Način prijave	Redni broj	Broj priloga
hitno	pisano	15-61/B	

PARLAMENTARNA SKUPŠTINA BOSNE I HERCEGOVINE
-PREDSTAVNIČKI DOM-
n/r Milorad Živković, poslanik

Milorad Živković, poslanik u Predstavničkom domu Parlamentarne skupštine Bosne i Hercegovine, na 61. sjednici Predstavničkog doma održanoj 5.11.2013. godine, Ministarstvu pravde Bosne i Hercegovine postavio je sljedeće poslaničko pitanje:

«Koliko je zakonskih projekata upućeno Venecijanskoj komisiji na mišljenje do ovoga momenta i da li će poslanici u dogledno vrijeme dobiti odgovore na ta mišljenja?»

Na poslaničko pitanje Ministarstvo pravde Bosne i Hercegovine daje sljedeći

ODGOVOR

Na šest sastanaka o „Strukturnom dijalogu o pravosuđu između EU i BiH” najvažnije teme rasprave bili su nacrt novog zakona o sudovima BiH kojim se predviđa formiranje Višeg suda Bosne i Hercegovine, kao instance koja bi odlučivala u drugostepenim postupcima po žalbama na presude Suda Bosne i Hercegovine, te „konsolidacija funkcija VSTV-a“, koja će biti uključena kroz izmjene i dopune Zakona o Visokom sudskom i tužilačkom vijeću Bosne i Hercegovine.

Na četvrtom plenarnom sastanku „Strukturnog dijaloga o pravosuđu između Evropske unije i Bosne i Hercegovine“ održanom 8. i 9. aprila 2013. godine u Brčkom, po pitanju izrade nacrtu Zakona o sudovima BiH, Evropska komisija (citat): „... • *hitno poziva Ministarstvo pravde BiH da poduzme sljedeće korake do kraja aprila 2013.g:* i) *Finalizira nacrt Zakona o sudovima BiH, u skladu sa zaključcima TAIEX seminara podrške zakonodavnoj reformi, održanog u martu 2013.g.* ii) *Započne proces javnih konsultacija, i uporedo, zatraži mišljenje Venecijanske komisije. Očekuje od Vijeća ministara BiH da stavi Zakon o sudovima BiH na dnevni red u pogledu njegovog daljeg usvajanja za vrijeme trajanja trenutnog saziva parlamentarne skupštine.*“

Po pitanju izrade nacrtu Zakona o izmjenama i dopunama Zakona o VSTV, Evropska komisija (citat): „Očekuje od Ministarstva pravde BiH da: i) *Finalizira izradu nacrtu Zakona o izmjenama i dopunama Zakona o VSTV, u skladu sa zaključcima TAIEX seminara podrške zakonodavnoj reformi, održanog u decembru 2012.g.* ii) *Započne proces javnih konsultacija, i uporedo, zatraži mišljenje Venecijanske komisije.* • *Podvlači da je važno kontinuirano držati podudarnim odredbe Zakona o sudovima BiH i Zakona o VSTV*“.

Postupajući po preporukama sa „Strukturnog dijaloga o pravosuđu između EU i BiH”, Ministarstvo pravde je Nacrt zakona o sudovima Bosne i Hercegovine dostavilo na mišljenje Venecijanskoj komisiji, koja je na 95. plenarnoj sjednici (Venecija, 14.-15.

juni 2013.) dala Mišljenje br. 723/2013 i podržala uspostavljanje posebnog apelacionog suda, te dala određene sugestije na osnovu kojih su poboljšane pojedine predložene odredbe. Nacrt zakona o sudovima Bosne i Hercegovine je prošao proces javnih konsultacija, te je dostavljen Vijeću ministara Bosne i Hercegovine u proceduru usvajanja.

U preliminarnoj fazi kod pripreme izmjena Zakona o Visokom sudskom i tužilačkom vijeću Bosne i Hercegovine Venecijanska komisija se već pozitivno izjasnila o prijedlogu formiranja sudskog i tužilačkog podvijeća unutar jedinstvenog VSTV-a, ocjenivši to kao racionalnu inicijativu koja bi mogla učiniti dvije pravne strukture manje međusobno zavisnim, a da pri tome ne izgube zajedničku platformu. Očekujući pozitivno mišljenje, sa konstruktivnim sugestijama za poboljšanje pojedinih predloženih rješenja, Ministarstvo pravde je Nacrt zakona o Visokom sudskom i tužilačkom vijeću Bosne i Hercegovine dostavilo 01. novembra 2013. godine na mišljenje Venecijanskoj komisiji.

Na šestom plenarnom sastanku "Strukturnog dijaloga o pravosuđu između Evropske unije i Bosne i Hercegovine", održanog u Banjaluci 11. i 12. novembar 2013. godine, po pitanju nacrta Zakona o VSTV, Evropska komisija (citat): „Pozdravlja zahtjev upućen od Ministarstva pravde Bosne i Hercegovine Venecijanskoj komisiji i tako pokrenut postupak donošenja mišljenja na nacrt zakona, prije nego što isti bude dostavljen Vijeću ministara;“. Pribavljeno mišljenje Venecijanske komisije biće priloženo uz Nacrt zakona o VSTV-u BiH prilikom dostavljanja u proceduru usvajanja.

S poštovanjem,



MINISTAR

Bariša Čolak